


Sel Prestuhn
Dieter F. Uchtdorf
Mwet in Kahsruh Ahkluo
ke Prestuhnsi Se Met



Ahksahfye wi Kahp In E Lowos Srwack Fihrihr

Fin acn Greece met, sensu uh amaci ke akuhtuhn in rire uh suc pahngpahng muh *lampedromia*.¹ Ke akuhtuhn uh, sensu uh sruok kahp soko uh in paholos ac tahfweacng nuh sin sensu se tohkohl uh nuh ke in sun mempucr sahflah ke oak soko uh sun keso uh.

Opi ac tiac ituckyang nuh sin oak soko ma muhi emet ah—el som nuh sin oak soko emet ma sun keso uh wi kahp in e la an srwack fihrihr.

Sie mwe luti na loal pa inge, ma lutiyuck sin mwet pahluh met ah ac pacl pacna inge: tuh ke yohk srihpac in ahkwot ke akuhtuhn uh, arlac yohk srihpac likina kwewa tuh kuht in ahksahfyelah wi kahp in e lasr uh in srwack fihrihr.

Solomon El Ahkwot Kuh

Tohkohsrah Solomon el pa sie srihkarak ke sie mwet suc ahkwot na kuh. Ke el fuhsr, el “lungse Leum God, ac el fahsra ke mwe luti lal David, papa tumal” (Sie Tokosra 3:3). God El engan sel ac fahk elan, “Mea kom lungse ngan sot nu sum?” (Sie Tokosra 3:5).

Sahyacn siyuck ke kahsruhpa kuh moul pahtok, Solomon el siyuck ke “lalmwetmet, tuh nga fah ku in kol mwet lom ke suwohs, ac in etu inmasrlon ma wo ac ma koluk” (Sie Tokosra 3:9).

Ma inge Leum El arlac engankihn yohk tuh oruh El ahkinsewowoyacl Solomon tiac ke lahmwetmwet muhkwena tuhsruhk wi pac kahsruhpa koflahna in srihkarakuh ac wi moul loeloes.

Tuh pwacye lah Solomon el arlac lahmwetmwet ac oruh ma wo pucspucs, tuh el tiacna tu kuh ne ke sahflah. Ahsor, tok ke moul lal, “El oru ma koluk lain Leum God, ac tiana inse pwaye nu sel” (Sie Tokosra 11:6).

Ahksahfye Akuhtuhn Lasr Sifacna uh

Pacl ekahsr kuht ahkwot ke sie ma uh ac tiac ahksahfyelah? Mongo in Ahksrihk? Prokracm in ahsrosr? Insacnweacng in riti ma suhmuhslah lwen nuh kwewa? Sulaclah in ekihn mwet tuhma lutlut wowo luhn Jisus Kraist?

Fuhkah fususiyacn ayaol nuhnak kuht oruh ke Jacnweri ac lihksreni na ukwe ke kuhiyacsr ke lusen lwen ekahsr, wik ekahsr, kuh finne mahlwem ekahsr pacna in sokwack tuh ke Ohktohpa, tuh muh wacngihnlac usrwacn insacnweacng uh?

Sie lwen ah nga tuh liyacack petsac na tahfuhnkahs se ke kosro soko oan na sisken pwepuh se el seseyac uh. Ritiyuck angwe, “Pwepuh in Akihlen Ahkpah Luhn Kosro-Ahkostwen.”

Kuhtuh pacl uh kuht oacna ngwacn.

Nuhnkweyac sesr wo, kuht ahkwot kuh; kuht kena nuh sesr in arlac kuhtaklah. Tuhsruhk ke sahflahiyac uh kuht som seseyac, sislah, ac muhkuhnlah nuhnak kuht otwelah in oruh inge.

Ohiyacn mwet uh pa ke tihkuclkucl uh, puhtatlac, ac kuhtuh pacl uh kena fuhlweack tari. Tuhsruhk in ekihn mwet tuhma lutlut luhn Jisus Kraist, kuht tiac otwelah na

in ahkwot ke akuhtuhn uh tuhsruhk in ahksahfyelah—ac in ahksahfyelah wi kahp in e lasr uh in srwack fihrihr na. Tuh Mwet Lahngo El olwelah nuh sin mwet tuhma lutlut Lal lah, “Kutena mwet su muteng nwe ke safla, el ac fah mou” (Matthew 24:13).

Lwelah nga in tahfuh ma Mwet Lahngo El olwelah in lwen lasr inge uh: Fin kuht liyacacng masap Lal ac ahksahfyeh wi kahp in e lasr srwack fihrihr, kuht fah wi eis mou” ma paht-paht, suc pa mwe sang se ma yohk emet ke mwe sang nuh kwewa luhn God uh (liye D&C 14:7; liye pac 2 Nephi 31:20).

Kahlwem Se Ma Tiac Wi Kunlac Uh

Kuhtuh pacl uh tukun tikuclkucl, muhnahtlah, kuh ne fuhlweack pacna, kuht sun sahngwenglah ac luhlalfongi muh kahlwem lasr uh som wacngihnlac ac kuht kuf tari ke akuhtuhn lasr uh. Tuhsruhk nga fahkwack luhlalfongi lah Kahlwem luhn Kraist uh koflah na kunlac. El tohlwack fong lohsr na mahtoltol ac sifil puhrawack insiyacsr fin kuht loh nuh Sel ke insiyacsr (liye Sie Tokosra 8:58).

Tiac wekyuck puhtahkah kuh lusackac puhtatlac lasr uh, tuh Kahlwem luhn Kraist fihrihr na som. Ac ne ke lohsrlohsr in fong, fin kuht sis falkacsr nuh Yohrohl, kahlwem Lal uh e afuhnlah nguhn in lohsr uh ac puhrawack nguhnasr.

Akuhtuhn in sie sin sie uh el tiac yakyu meta se; el kahsrus loeloes se. Ac e wacngihn pacna eklac kac ke kuht lihksreni som uh. Pwacye tuh, inkacnek sefanna ma in ahklusye kuht uh pa in kuf kuh fuhlweack.

Ke na kuht kalweni in ahkwot ac fahsr nuh met nuh yurin mwet Lahngo lasr, kuht kuhtanglah akuhtuhn uh wi kahp in e lasr fihrihr na.

Tuh kahp in e uh tiac ma kacsr kuh ke ma kuht oruh uh. El ma ke Mwet Lahngo luhn facluh.

Ac pa ingacn sie Kahlwem ma tiac kuh in lohsrlah. El pa Kahlwem se ma ohkohmlah lohsrlohsr uh, unwelah kihnet kacsr uh, ac kahlmwelikh e ke pacl ahsor luhlahp ac lohsr mahtoltol.

El pa Kahlwem se ma ahliki etwacack uh.

Lwelah tuh kais sie sesr in ahksahfyelah inkacnek kuht ahkwot kac uh. Ac in wi kahsrus luhn Mwet Lahngo ac Mwet Iwacnah lasr, Jisus Kraist, kuht tuhlah ahksahfyeh ke engan ac wi kahp in e lasr srwack fihrihr.

MWE KAHSRUH

1. *Harpers Dictionary of Classical Antiquities* (1898), “Lampadedromia,” www.perseus.tufts.edu/hopper. Pausanias uh ahkuhtweyac ke sie

pacna kain in akuhtuhn ma mwet se e us kahp in e uh, sah p sie ke kais sie ke sruf, el som soko lac na tiac tuhtahf po. Tuhsruhk ke *lampadedromia uh*, mwet se ma itto uh pa sun emet keso ah wi kahp in e lal an srwack fihrihr.

LUTI KE PWENG SE INGE

Nuhnkuh in ahkkweye elos suc ma kom luti an in motko ke ohiyac elos oasr kac ke “moul in srihke” lalos uh. Kuh kahp in e lalos an fihrihr kahlwem? Kom ac kuh in riti pohloh kacs se ma fahk muh Kahlwem luhn Kraist uh pa “Kahlwem se ma ohkohmlah lohsrlohsr uh, unwelah kihnet kacsr uh, ac tohlwack in pacl ahsor luhlahp ac lohsr mahtoltol.” Na motko in sruhmuhn yurin mwet suc kowos luti an lah fuhkah ke Kahlwem luhn Kraist uh moklwelah mou” lalos in pacl somlah ah ac fuhkah luhman moklweyuck ke mou” lalos in pacl inge.

MWET FUHSR

Ahngwengye Kahp in E Lom An: Lwen-30 in Sikeng

Nuh sin mwet fuhsr ke Alu uh ma mou” kahfofo uh, fihsrwacsr in srwemlah ke ma kuht pahlah in oruh pengana lwen, yohkiyac uh na nuh ke ma luhn nguhn uh. Kuht riti ma suhmuhtlah, pruhe, ac alu ke ohiyac sefanna apkuhran in lwen nuh kwewa ac na kuht suk lah efuh kuh oacna kuht in tiac eklac kuh kihluck.

Sie inkacnek ma wo emet in sang kahsrus nguhn- nguhn in e lasr in fihrihr na pa in oruh in yohk kalme-yacn mukwikwi in nguhn lowos an. Tuhsruhk fihsracsr in fahk liki na in oreklac, na pa inge kuhtuh srihpac in kahsrus oruh mou” in nguhnuwos in kapwack kac: Motkoe-lah sie mukwikwi ma kapsra wosasuc suc ma soenna wi orek (kuh suhkwac orekmakihnyuck) ac insacnweacng in oruh lwen nuh kwewa ke lusen mahlwem se. Kom kuh in muhtwacwacack srihk mweyen fihsrwacsr in ikihl ma srihsrihk in eklac ma ne tok lac. Oruh ma eis kuhtlac liki acn nguhnasr pah we uh sah p enenuh kuhtuh pac luhlalfongi ac kuh ke ip lasr uh, tuhsruhk ke kuht oruh uh, kuht suli Nguhn Muhtahl in wi kuht, ac kuht ahk-kahlwemye luhlalfongi lasr ke Pahpah Lucng ac kena se lasr tuh in fototoyong nuh Sel. Pa inge kuhtuh nuhnac in mogle kom in ahkwot kac:

- Oruh finsrak in pruhe lowos ke lututacng ac ekuh. Srihke pruhe ke puhsra yohk.

- Sa in tuhkahkwek ke mihnit 15 ac riti ma suhmuhslah nuhtum an met liki lutlut ah.
- Riti sramsram ke jacnuhruhl kanfracns somlah ah.
- Sruhpuhswack sie fuhs ke Puk luhn Mormon in liyeyuck ke social media.
- Lohng ke hymn kuh on in Alu sahyacn on kom lohng lwen nuh kwewa uh.

TUHLIHK SRIHSRIHK

Oruh Kahp in E lom in Kahlwemi

Pacl somlah ah fin acn Greece, oasr akuhtuhn se ma mwet sensu uh utuck kahp in e fihrihr. El suc kah-sruhsr ahksahfyelah wi kahp in e la an srwack fihrihr

uh pa itto uh. Prestuhn Uchtdorf el fahk lah mouh uh el oacna luhman akuhtuhn ingacn. Kahp in e kuht us uh pa Kahlwem luhn Kraist. Ke kuht srihke in oacna Jisus Kraist uh, kuht oruh kahlwem in e lasr uh in kahlwemi.

Meac ma kuht kuh in oruh in oacna Jisus ac oruh kahp in e lom in kahlwemi? Sulaclah sin ma ten inge:

Isrwacsr kuh pwacngwack nuh sin mwet muhkahimtacl ngwetngweta uh

Muhta na kasrkuhsrak sin mwet se

Liyacacng monum

Isrucn tuhlihk mukul kuh muhtwacn wiom

Ahkos mwet pahluh an

Fuhlweack ke kom tahfonglac uh

Kahsruh mwet se



Luhlahlfongi, Sucu, Kahsruh

Kuh Lucng luhn Jisus Kraist uh: Sesseslah ke Pahkotwen ac Luhngse

Pruhe in lutlutkihn kuhfa inge ac suk in etuh ma in akacsruhi kac. Etuh ohiyac muhtahl luhn Mwet Lahngo ac ahkyohkye kuh in luhlahlfongi lowos Kacl ac ahkinsewowoye fuhkah mwet kowos liyacacng ke forfor luti uh? Nuh ke kuhtuh pac ma in etuh, som nuh ke reliefsociety.lds.org.

Pa inge ip luhn Pweng ke Forfor Luti ke ohiyac lucng me luhn Mwet Lahngo.

Mwe Kolyuck nuh ke Ma Suh-muhsalah uh ahkuhtweyac luhngse pwacye lah “pa fuhlwact emet, wolacna, kain luhngse se ma kuhlwanca emet uh” (“Luhngse Pwacye”). Pa inge luhngse pwacye luhn Jisus Kraist. Ke kuht luti ke Jisus Kraist ac srihke in oacna El uh, kuht tuhfah muhtwacwacack puhlakihn luhngse pwacye Lal in moul lasr ac pihrihk kuht in luhngse ac kuhlwacnsapuh mwet sahyac oacna El uh. “Luhngse pwacye uh pa in mongfihsrwacsr nuh sin el suc tiac oraclah fal nuh ke luhngse lasr uh,” pa Prestuhn Thomas S. Monson el fahk uh. “Pa in sang tulokihn nuhnak in tiac arlac fihsracsr in foloyak. Pa in lwelah ma muhnahs ac ma suhfal uh. Pa in lwelah mwet uh ke luhmahlos na pwacye. Pa in ngwetlah tuhpallah ohiyac kuh luhman mwet in sang nuh kac in wi ac tuhfah tiac eflah ke pacl uh. Pa in lain nuhnak in tiac srwelah mwet sahyac uh.”¹

Ke Puk luhn Mormon uh, lutiyuck nuh sesr lah ke kuht “pruhe nuh sin Pahpah ke kuhiyacn insiowos

nohfohn, tuh [kuht] in kuh in ses-seslah ke luhngse se inge, ma El sang nuh selos nuhkweya suc fahsr na pwacye tukun Wen nahtuhl, Jisus Kraist; tuh [kuht] in kuh in wen [ac acn] nuhtin God; tuh ke Elac fah sikme kuht fah oacna El, tuh kuht ac fah liyacl oacna El uh; tuh in oasr finsrak se inge yohrohrs; tuh kuht in kuh in ahknwacsnwacsye-yucklac oacna ke El nwacsnwacs” (Moroni 7:48).

Ma Suhmuhsalah Ituckyang Sahyac

John 13:34–35; 1 Corinth 13:1–13; 1 Nephi 11:21–23; Ether 12:33–34

Ke Sramsram Mahtuh Lasr

“Tahmtahel se suc tuhfahna lo-lacplac suc tarilacna ke mwet forfor luti suc weluhl ke ahsor ac ahkwoyacl uh. El suhmuhsalah: ‘Nga arlac enenuh sie mwet suc nga in sun; sie suc ma kuh in lohngyuc. . . . Na elos porongo. Elos ahkwoyeyuc. Elos wiyuc tuhng. Ac elos asruhi lac nuh sihk . . . [ac] kahsrweyuclac liki suhpwacr luhlahp ac toasr ke muhtuhn mahlwem muhkahimtacl ekahsr ah.’

“Muhtwacn se sahyac fahk ma el puhlakihn ke el ipeis kuhlwanacng sin mwet forfor luti se: ‘Nga etuh lah nga tiac nempuh se na ke puk in suhmuhsalah ke mwe forfor luti uh. Nga etuh tari lah el luhngse nga.’”²

Oacna tahmtahel inge, puhs Mwet Luhlahlfongi in lwen-Sahflah fin facluh kuh in wi insese nuh ke kahs se sel Prestuhn Boyd K. Packer, Prestuhn ke U luhn Mwet Sap Singucul Luo inge: “Fuhkah luhpan inse mihsalac kac in etuh lah oacna sie acn [sucu uh kuh in] som nuh we, sucu se ke Alu uh sanwelos. E ke lwen se elos ai ac, mukul sac elac wi u se luhn pristut uh ac muhtwacn sac elac wi Rilif Sosaiti uh.”³

MWE KAHSRUH

1. Thomas S. Monson, “Charity Never Faileth,” *Liahona*, Nohfuhmpuh 2010, 124.
2. *Muhtwacn nuhtin Tohkohsrahi Luhk uh: Sramsram Mahtuh ac Orema luhn Rilif Sosaiti* (2011), 119–120.
3. *Tuhlihk Muhtwacn lun Tohkohsrahi Luhk*, 87.

Nuhkuh Ma Inge

Ohiyac ma Kraist El srihkasrak suwohswohs ke luhngse ac pahkotwen?